

Caspervek Trío, conformado polo pianista Brais González, por Tonio Comesaña, a cargo do clarinete, e por Laura Lorenzo (flauta) actuou este serán en Verín no marco dunha das actividades paralelas do FIC Vía XIV. O grupo musical encargouse de por música en directo á película clásica de cinema mudo, *O maquinista da xeral*, realizada en 1926 por Buster Keaton.

O aceno de identidade do grupo foi sempre o do respecto polas películas que musicalizan. Empregando elementos do jazz clásico, a música contemporánea, o folk ou a electrónica, esta paleta musical é para Caspervek unha ferramenta para construír un espazo performativo propio, onde a percepción sensorial ten un papel fundamental.